

ի կողմանէ, իւրեանց Կոնսիստորիայից զայնպիսիս, այսինքն
Հինգերորդ աստիճանի խնամական ՀՀասութիւնս, չառաքե-
լով այլ ևս ի Սինօդդ և չտալով տեղի աւելորդ գրադրու-
թեանց:

Ի վերայ իսկականին ստորագրեալ է՝
ՄԿՐՏԻՉ Կաթողիկոս Ամենայն Հայոց.

յ 30 Յունիսի 1899 ամի

և ըստ Տոմարիս ՌՅԽԹ.

Ի Հայրապետութեան Մերում Զ. ամի

յԱրարատեան Մայր Աթոռ Ս. Էջմիածնի

Ի Վաղարշապատ.

Թ. 797.

ՄԿՐՏԻՉ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍԱ-
նելի կամօքն Աստուծոյ Եպիսկոպոսապէս Եւ Կաթողի-
կոս Ամենայն Հայոց, Ծայրագոյն Պատրիարք Համագգա-
կան Նախամեծար Աթոռոյ Արարատեան Առաքելական
Մայր Եկեղեցոյ Սրբոյ Կաթողիկէ Էջմիածնի՝

Սինօդէ Ս. Էջմիածնի.

Ի բազում դէպս Հասանին Մեզ խնդիրք զանազան ան-
ձանց ցանկացողաց մտանել ի նոր ամուսնութիւն յեօթնե-
րորդ աստիճանի ազգականութեան, մերժեալք ի Հոգեւոր
Ատենից և ի Սինօդէ: Են՝ զինկարագրելով զՀանդամանս
դժպատեհս, յորոց յառաջացեալ է միաւորութիւն ամուս-
նացողաց, ստանան ի Մէնջ զհրամանս պսակի անխտիր: Են
այնպիսիք, զի զրկեալ յամենայն Ատենից և Թոյլաւութեանց՝
կենակցին ապօրինի՝ ապօրինի Համարելով նաև զանմեզ
զաւակունս նոյն իսկ ծնեալս ի սուրբ աւագանէն և
ի միաւորութենէ խորհրդով պսակին թէ՛ յայտնի և թէ՛
զաղտնի, և այս որպէս թէ ի խրատ այլոց, բայց Նս ասեմ՝
ի խրախոյս այլոց, որք գիտելով զՀաւասիրութիւն տգէտ և
ազքատ հոգեւորականաց, պսակին զաղանի, ընդօրինակելով
զայս վատ սովորութիւն ի միմեանց, և առ այս իսկ տեսա-
նեմք այսօր ի բազում տեղիս բազմութիւն ապօրինի կենա-

կցութիւնք, անվաւեր ամուսնութիւնք, թէպէտ և կնքեալք խաչիւ և Աւետարանաւ, թող զայլ հետեանս և դարդիւնս յուսահատութեան, որ մղէ զսիրահարս:

Միանգամ ընդ միշտ առ ի վերջ տալ այսօրինակ անախորժութեանց և դժբախտութեանց, ևս առաւել ի նկատ առեալ Մեր զհանգամանս ժամանակի դէժ յաղագս ազգիս, մանաւանդ զներող ոգին Հայաստանեայց ս. Եկեղեցւոյ, որ յամենայն նեղութեան ժամանակի զիջեալ է ինչ ինչ ներողութեամբ, Մեր որպէս Հայրապետ Հայաստանեայց ս. Եկեղեցւոյ, Հայր և պահտպան հարազատից նոյն Եկեղեցւոյ՝ զաւակաց ս. Հօրն մերոյ Լուսաւորչի, սովին կոնդակաւ առաջադրեմք Սինօդիկ պատուիրելով յետ այսու անպայման թոյլատրել յօրագիրս դորին զեօթներորդ աստիճանի ազգակցական չհասութիւնս, քանզի այսպէս է պահանջ ժամանակի:

Ի վերայ իսկականին ստորագրեալ է՝
ՄԿՐՏԻՉ Կաթողիկոս Ամենայն Հայոց.

յ17 Դեկտ. 1899 ամի

և ըստ Տոմարիս ՌՅԾ.

Ի Հայրապետութեան Մերում է. ամի

յԱրարատեան Մայր Աթոռ Ս. Էջմիածնի

Ի Վաղարշապատ.

Թ. 1490.

ՄԿՐՏԻՉ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍՍ-
 նելի կամօքն Աստուծոյ Եպիսկոպոսապետ Կաթողիկոս Ամենայն Հայոց, Ծայրագոյն Պատրիարք Համագգական Նախամեծար Աթոռոյ Արարատեան Առաքելական Մայր Եկեղեցւոյ Սրբոյ Կաթողիկէ Էջմիածնի՝

ՍԷՆՕՂԻ Ս. ԷԶՄԻԱԾՆԻ.

Յայտնի է Մեզ եթէ պսակք՝ կատարեալք ի վեցերորդ աստիճանի ազգակցութեան և ի չորրորդ աստիճանի խնամութեան, անվաւերք համարին ի Սինօդէդ և պսակեալքն որպէս և պսակադիրքն յանձնին ի դատ մարմնաւոր իշխանութեան: